

芝園集目錄

絲集卷之十

律詩

七言下

咏林太僕園中玉蘭次喻郡伯邦相韻

元夜飲顧中秘仲方第

題林監部燹軒暮椿圖

送吳郡丞少麓賀萬壽節并考滿之京

贈詹郡侯二首

送劉丞見海

送應主簿遷官藩府



送譚郡丞華南北上

贈青浦羅令君柱宇

初夏同林太僕徐奉常錢德卿范伯龍董原晉

楊世叔為峰泖遊因訪陸君策山莊不遇君

策以詩見貽次韻

次陸君策簡徐奉常韻

嘲陸君策

題泖上潮音閣和林太僕韻

和楊世叔韻

送張喻齋令君北上改選

壽唐郡侯

郁季雅題贈觀濠堂次韻報謝

夏日李茂承董原道張熙台王瑤林陳仲醞尹

公權季文仲于郊仲舉子開諸君見過留飲

小園茂承貽詩次韻報謝

舟次吳門送王性之遊丹徒蕪懷張喻齋父母

贈董祠部伯念二首

送項明府應召二首

秋夜姚龍山孫世聲張清臣諸君讌集小園

南遊留別諸社中四首

訪青浦鄧明府兼贈考滿

毘陵道中

甘露寺和董伯念簡張明府韻二首

贈張令君考績

贈盧學博明峰

謝李觀察復吾

投贈茅山人平仲

贈武林周孝廉申甫

張弘字呂京門華省中三年文招飲山亭

贈李總戎白菴

投贈陳太學從訓

鍾山

鳳凰臺

燕子磯

觀音閣

贈焦太史漪園

贈南臯鄒先生

贈同年顏給諫登陽

贈徐民部檢吾舊公祖

呈衷司馬洪溪老師二首

呈鄧少宗伯定宇老師

贈同年徐駕部鍾岳

同年黃新渚遺書問餽張華宇載酒來過賦謝

贈劉金吾

焦山

金山

包中翰蒙吉以詩見贈次韻訓謝

人日同唐元徵陸君策董玄宰郁孟野諸社友

餞方衆甫職方北上

壽王懷我令君

壽江兵憲太夫人二首

送唐太史元徵還朝

贈喬伯麟園居

送董太史玄宰

何士抄詩集  
過吳門送唐郡侯濬源二首

寄懷顏侍御嶧泉

寄贈潤州張司理新屏

贈許令君仰亭

寄楊令君濬湖

寄懷鄧坦之

寄項給諫東鰲

寄懷同年申駕部敬中

贈聶令君化南年丈

寄徐郡伯薦所年丈

陸君策錢肇陽張伯復唐元升楊長世陳仲醜

夜集漱六齋酌牡丹花下次君策韻

送秀水李令君入覲

張明府衙齋夜集同黃仲高孫世聲

立秋日袁伯生年丈邀同黃仲高孫世聲倪備

長薛雲卿限椒字韻

次仲高韻

登東塔

薛希之招飲同黃仲高李新父孫世聲袁伯生  
倪偉長再汎虞山下

顧節吾携酒桃源澗限樾字

張明府招同黃仲高陳敬甫孫世聲鎮虞樓夜  
集

送徐廷珍北上

北歸途中感懷簡元甫宋三丈

送范侃如之任萬州

送倪鸚鵡之任分水

贈柳郡侯兩尊人雙壽二首

送喬郡丞弦所之武林

投陸運長自齋先生

呈江兵憲績石舊公祖

投仁和胡令君玄海

陸運長招同孫世聲沈羽侯夜飲西湖限漁字  
春日邀馮京兆林太僕集團中京兆以詩見貽

次韻酬謝

南中訪李吏部景穎

訪魯民部浴宇

呈陳中丞楚石老師

贈閩友田公雨

遊天界寺贈秋潭上人

五月二日李惟禮鄧泰素招同張伯復馮咸甫  
孫世聲諸君子泛舟秦淮分得憐字

端陽日劉工部文光同鄧孝廉泰素許山人觀  
甫携酒憑虛閣話別

題新都汪比部立伯遂園

訪儀真令王杏臺年丈

訪揚州郭刺史一陽年丈

贈兩淮鄭運長養齋

何氏芝園集

華亭何三畏士抑 著

律詩七言下

咏林太僕園中玉蘭次喻郡伯邦相韻

五馬駢駢過里居  
繞庭瓊樹正紛如  
含風玉珮疑飛度  
暈月珠簾自卷舒  
誰信東君空是色  
可憐西子雪為祛  
花前太守詩先就  
座上群公興不虛

元夜飲顧中秘仲方第

豪華公子秘書郎  
春夜張燈燕喜堂  
列炬千行迴玉



樹飛烟十丈掛芝房  
開簾影落珊瑚珮  
入酒風吹錦繡香  
座裡紅雲嬌白雪  
照來何處不霞觴

題林監部燮軒暮椿圖

杯酒空將酌暮前  
白雲杳靄望中懸  
月明寒影迷蝴蝶  
霜落高枝泣杜鵑  
千古難消風木恨  
三年長廢蓼莪篇  
邇來吹得露根長  
蘭玉參差五色鮮

送吳郡丞少麓賀萬壽節并考滿之京

北望星辰引去程  
翩翩使節指神京  
朝天萬壽冠裳會  
奏最三年卓魯聲  
有口道傍流宦跡  
無金囊

底重廉名治平漢代如公少  
入薦誰當似賈生

贈詹郡侯濬源

遙看紫綬大江頭  
按治吳中第一流  
五馬駐驂香拂座  
雙鳧飛履月籠樓  
民霑雨露恩波濶  
士近雲霄斗氣秋  
曾讀兩京循吏傳  
聲名未許勝君侯

其二

九峰仙吏擁嵒峩  
露冕行春動玉珂  
天祿校書藜作照  
河陽愛士禮為羅  
喜聞境內飛蝗少  
親見庭前奏鶴多  
下走何能揚化澤  
祇將謳誦續弦歌

送劉丞見海轉運北上

春日行行覲 帝居兒童竹馬引華裾  
憂時欲賑河 南粟卻餽常縣廡  
下魚使者乘傳輸歲計 聖人虛  
席問倉儲 荆州十部多從事  
誰似劉公一紙書

送應主簿遷官藩府

五茸城外唱驪歌 無奈君侯欲別何  
人是南州誇選 勝身從北闕  
聽鳴珂 隨來鶴唳清標遠  
畱得棠陰惠 愛多此去大藩應  
珍重好承恩寵錫鸞和

送譚郡丞華南北上

父老兒童夾道遮 亭亭使節指京華  
大夫轉餉東為 郡驛路勤王  
北是家水艦雁行供玉食  
堯天虎拜近 仙槎承明前  
席垂清問為 訐瘡痍遍海涯

贈青浦羅令君柱宇

燁燁才名眾所欽 仙鳧飛下大江潯  
一官卧理花為 縣四座清言竹  
浦林松影日高時 舞鶴桐陰吏散獨  
張琴循良茂宰神明譽 天子乘軒賜廐金

初夏同林太僕徐奉常錢德卿范伯龍董原晉  
楊世叔為峰泝遊因訪陸君策山莊不遇君策

以詩見貽次韻

風流誰復似君卿，  
暫借青山大隱名。  
亭上雲烟侵樹色，  
池頭鳥韻雜歌聲。  
肯從白社邀詩伴，  
忍使高陽負酒盟。  
有約未應虛再訪，  
不妨揮麈說無生。

次陸君策柬徐奉常韻

喜從雙屐破莓苔，  
九點芙蓉四望開。  
上客不題凡鳥字，  
吾曹寧許謫仙才。  
春餘戶外花三徑，  
風送颿前酒一杯。  
知爾政當將母日，  
且留烟月去還來。

嘲陸君策

青山無主客無緣，  
虛度東風一片颿。  
到處獨懸孺子榻，  
呼來不上孝廉舡。  
人從扉外訝僮父，  
自向雲中訪洞天。  
歸路忽聞花寄語，  
許將烟水共留連。

題泖上潮音閣和林太僕韻

地軸孤懸一芥浮，  
水聲拍閣似清秋。  
狎人鷗鳥杯前渡，  
聽法魚龍鉢底收。  
日落垂楊漁父曲，  
潮生新荻老僧舟。  
詩成欲闢明珠色，  
初月飛來近女牛。

和楊世叔韻

忽聞禪誦在烟霄，  
四面寒濤破寂寥。  
片月照時鮫室

近亂雲盤處，層樓遙水中。塔影全依樹，臺上鐘聲半帶潮。到此冷然生羽翰，峰頭雙鶴不須招。

送張喻齋令君北上改選

昔年鳧鳥影翩翩，仙令華亭度紫烟。縣底正依桃李色，囊中幾賦筆花篇。朝天重拍一雙鶴，指日還調十五弦。共說張華今入洛，劍光高逼斗牛邊。

壽唐郡侯

春歸澤國景偏長，渤海於今擬雁行。五柞政平懸日月，九山烟暖遍農桑。葉堂雨灑隨車潤，鈴閣花明擁

篆香庭下鳳毛文，五色好隨青雀舞霓裳。

郁季雅題贈觀濠堂次韵報謝

半畝幽棲貴買鄰，忽來笑語隔溪閭。青山草色元無恙，白杜風流總不群。遂有留題門上鳳，那堪持贈隴頭雲。啣杯未足觀濠興，月印波心又待君。

夏日李茂承董原道張熙台王瑤林陳仲醇尹

公權季文仲于郊于舉子開諸君見過留酌小園茂承貽詩次韵報謝

野圃蕭疎小徑迂，何堪清讌上賓娛。一池碧水聊供

玩百斗香醪未用沽風爽放歌呼皓月露涼散坐倚  
高梧忽驚投簡多奇句把讀如披不夜珠

舟次吳門送王性之遊丹徒兼懷張喻齋父母  
別君千里問張侯旅泊那堪送客舟兩岸芙蓉裏水  
暮一天霜露菊花秋心隨候雁分南北帆逐江風有  
去留為說子民懷召父棠陰猶是護并州

贈董祠部伯念

時以建言被放歸里

諫書無數入楓宸兩疏高懸日月新曾向生平嗤結  
舌却從仗下敢批鱗恩寬 聖主乾坤量天放孤臣

河海身漢代董生同作傳詎令聲價獨天人

其二

忠臣元不為沽名感激由來氣自橫一柱高擎 宗  
社重半生直眎羽毛輕憂時俠烈纓堪絕去國蕭條  
劍獨鳴縱有東山暫棲逸肯教雙屐負蒼生

送項明府應召

忽來 丹詔下楓宸青瑣聲名屬漢臣共向桑麻沾  
異澤時從雨露沐清塵神君有頌推荀淑父老無因  
借寇恂此日驅車天際北那堪別思滿江津

其二

幾年奏績動明光  
姓字親題 御宸旁  
十道徵書隨鳳下  
五雲飛鳥傍  
鳧翔珠簾半卷  
絲桐靜寶篋  
新函諫草香  
遙想河陽花色  
在他年  
應擬似甘棠

秋夜姚龍山孫世聲張清臣諸君讌集小園

水映芙蓉闥  
縠紋何來  
佳客坐宵分  
一時意氣頻呼  
酒絕代風流  
共論文  
霜下嚴城孤柝起  
風踈梵語隔  
林闌  
莖蒿未足供樽俎  
籍有清歌駐彩雲

南遊留別諸社中次唐元升郁季雅韵

水國蕪葭獨放舟  
風塵誰復念沉浮  
六朝金粉  
色九月江濤望外秋  
白雪調高知寡和  
黃花酒熟憶同遊  
鳳城闕下多交舊  
肯借山靈向客留

其二

去去誰憐汗漫遊  
長干到處好夷猶  
歌驪忽贈千金  
草彈鋏還驚萬戶侯  
楓葉蕭蕭清露冷  
蘆花片片白雲秋  
歸時為說長相憶  
同醉朱欄月滿樓

其三

長江一派月溶溶  
望去雲山路萬重  
縹緲歌聲侵夜

色蕭疎劍萼照花容有時嘯傲颿前月何日淩娑嶺  
上松知己如君留故里不妨尊酒話重逢

其四

莫嘆蕭條歲月悠鍾山舊與白雲游憂時未上萬言  
策甲古常題百尺樓烟水情疎惟對酒車鱸夢斷不  
禁秋登臨每誦分歧句冉冉嵐光翠欲流

訪青浦鄧令君蕪贈考浦

青溪望入蓼花濱烟月挈舟訪使君宦轍三年清似  
水輿人萬口頌如雲聲聲聽鐘吟秋色點點芙蓉映

人晴盡說河陽丹詔近關門紫氣正氤氳

毘陵道中

一颿風雨半空來片片黃雲凍不開野燒隔林人影  
斷菰蒲夾岸雁聲哀踈鐘偏傍飛蓬入殘月還從曲  
徑回雞犬前村迷客夢不知身向鳳凰臺

甘露寺和董伯念柬張明府韵

蕭寺蒼茫傍水濱舳舻波湧動千軍靈巖氣吐扶輿  
勝古木陰分寶刹雲清露幾迴披月下暮鐘何處隔  
林聞一時賓從同遊賞更有逢迎喜使君

其二

相携極目大江頭，紫府珠宮水外浮。  
鐘磬悠悠飛碧落，烟霞隱隱護丹丘。  
尊前選句瀟湘賦，坐上逢人騷雅流。  
六代可勝金粉恨，幾回搔首帝王州。

贈張令君考績

兒童竹馬逐江湄，明府于今報政期。  
井有丹砂成玉粒，庭多玄鶴擁雲芝。  
金焦處處歌來暮，峯泖人人繫去思。  
不盡三秋絃誦意，可知青瑣借先枝。

贈盧學博明峰

鏡甕城西絳帳開，借君閩海謫仙才。  
江山秀色詩千卷，桃李春風酒一杯。  
自有文星依壁水，寧將經籍付灰埃。  
草玄亭畔臯比坐，儻許侯巴問字來。

謝李觀察復吾

柏臺仙吏著聲華，忽擁高車問客槎。  
願向鄴侯窺滿架，敢從元禮叙通家。  
金尊夜永陪珠履，銀燭歌殘落絳霞。  
不盡淹留投轄意，更憐玉樹倚燕霞。

投贈茅山人平仲

此夕相逢問字初，漫勞長者枉柴車。  
三餘澹墨成新



賦二酉然藜校異書白眼看人堪寄傲青山到處總  
逃虛自慚落落非佳客安得同君飯草蔬

贈武林周孝廉申甫

少小才名洛下傳雲霄咫尺尚青氈家居天竺湖橋  
畔人在春風洞壑邊得似清標能有幾即論雅藻亦  
無前相逢驛路成傾蓋蕭寺聯牀夜話禪

張弘宇呂京門華省中三年交招飲山亭

層臺新構聳雲端江上群山咫尺看花氣小春來綺  
席月痕清夜傍蟬冠喜逢兄弟天涯合遂有賓朋咲

語歡携手萬松深處坐人生能得幾盤桓

贈李總戎白菴

大江飛渡李將軍旌旆森森卷岫雲寶劔腰橫風雨  
氣綵毫曾吐鳳鸞文幾將籌策干明主好向旂常  
勒異勲願借故人雙彩鷁一從麾下接慇懃

投贈陳太學從訓

倚馬才華久擅名得瞻眉宇挹神情依山自有烟霞  
癖結客還多詩酒盟天上少微占處士門前五柳識  
先生即今倒屣臨叩令誰許風流讓長卿

鍾山

鍾嶺峻嶒傍石頭龍蟠虎踞護神州叢林松柏干霄  
起絕壑雲烟映日流地以鼎湖雄勝槩山因王氣結  
丹丘小臣載筆難為頌稽手蒿呼億萬秋

鳳凰臺

摠衣一上鳳凰臺李白高題翰墨來暮暮朝朝籠紫  
氣風風雨雨繡蒼苔千山睥睨時携屐六代興亡幾  
度杯誰似登高能作賦况堪搔首夕陽催

燕子磯

天聳靈巖最上頭雙飛燕影剪江流千層細浪通龍  
窟萬里寒烟結蜃樓古刹半依雲樹合疎鐘偏雜梵  
音浮一時登覽秋風暮尊酒于今搃勝遊

觀音閣

峻嶒高閣瞰金沙大士莊嚴駕彩霞萬頃江流翻貝  
葉四圍山色吐蓮花僧歸別院鐘聲細日落空林旛  
影斜一悟真如叅法相可能清淨絕塵譁

贈焦太史漪園

南國名高北斗傍翩翩才藻動明光萬言直逼天人

策七步先驅翰墨場  
淮水星槎浮太史  
鍾山雲物擁  
仙郎懸知有意  
千秋業不獨  
長楊賦草香

贈南臯鄒先生

時先生左遷南比部

誰人不願識  
荊州望望雲霄紫  
氣浮累疏慨慷  
龍袞日一官淪落  
鳳城秋頻聞西北  
兵符急獨計東南  
物力休海內祇今  
山斗重憑將柱石  
砥中流

贈同年顏給諫疊陽

自昔同君射策遊  
雲泥今已隔沉浮  
一腔忠赤能千  
斗兩篋封章可借  
壽身在南州青瑣  
地名高壯

衣流故人倘亦緜  
袍戀官遣秋風上  
敝裘

贈徐民部檢吾舊公祖

長干使節久棲遲  
還記當年治郡時  
權領度支天下  
計興來潦倒掌中  
卮青山倘許携雙  
屐黃菊猶堪贈  
一枝遊子可憐秋  
寂莫願徼舊雨賦  
新詩

呈袁司馬洪溪老師

司馬舊為雲間守

當年大郡古諸侯  
桃李桑麻惠政流  
名重宰衡能秉  
軸位尊司馬動鳴  
騶秋橫高纛縣金  
印身是長城擁  
石頭覽勝故來兼  
獻策雙虹隱隱射  
吳鉤

其二

鍾山舊是帝王都  
當宇推賢握重符  
威震閩中馳射騎  
氣凌海外繫單于  
百年自有籌邊策  
千里人占照乘珠  
知是功勳方鼎上  
可能鳴劍問桑樞

呈鄧少宗伯定宇老師

時宿公署

久卧青山道自尊  
不妨強起署金門  
辟雍多士傳經罷  
宗伯清曹坐席温  
仍以瓊龍司斗柄  
直從伊呂躡天閭  
篝燈信宿隨函丈  
知是千秋屬片言

贈同年徐駕部鍾岳

昔日追隨是雁行  
使君霄漢已翱翔  
龔黃按節琴堂靜  
方召分曹粉署香  
勁氣直凌鍾阜月  
高吟飛墮石城霜  
故人千里來投社  
倘許清樽話夕陽

同年黃新清遺書問餽張華宇載酒來過賦謝

先是新清同飲蔣祠部中復年丈席間接談甚快故總乃少

故人流寓碧山巖  
奈西風到鬢邊  
忽有星華飛劍佩  
何來寶色滿雲笺  
玄言斐疊傾千古  
俠氣崢嶸壯百年  
飲盡尊中柏葉酒  
不知門外雪花鮮

贈劉金吾

江左風流思欲仙  
金吾執戟漢庭前  
方逢桃熟三千  
度正是人生半  
百年青鳥傳書  
鍾嶺外白猿談  
劍石城邊從今  
歲歲稱觴日綺  
席長籠五色烟

### 焦山

高峰竦石半臨天  
一望蒼苔覆阪田  
噉噉猿啼青嶂  
裏迢迢鐘度白  
雲邊風迴絕壑  
龍宮迴日落長  
沙蜃氣連大隱  
此中曾卜築遙  
看苑屋思飄然

### 金山

大江拳石望中懸  
四面爽濤浪拍天  
寶刹風標浮玉

蒲烟曾記十年登  
眺處再携尊酒泛樓船

包中翰蒙吉以詩見贈次韵謝時中翰寓金

翰藻風流似謫仙  
偶然交臂欲忘年  
趨朝紫綬雲霄  
上召問黃門几  
杖前浮玉名丘  
遊避世墨花祗  
樹坐談禪雪晴  
未返山陰興江  
畔還留訪戴船

人日同唐元徵  
陸君策董玄宰  
郁孟野諸社友  
餞方衆甫職方  
北上

簇簇旌旗望外開  
爭看司馬入燕臺  
新年忽送遠行

何士相國集  
卷十四  
客人日先啣餞別杯邊塞即今虛上策韶鈴從此屬  
真才緣知方叔聲名舊遂有蠻荆納款來

壽王令君懷哉

時元夕前一日

曾從三竺汎星槎一識王喬仙令家新煉鼎砂飛玉  
粒忽來鳧鳥帶烟霞祥風披拂青陽節春酒淋漓寶  
月華共瞻公堂稱壽日鶴啣芝草鹿啣花

壽江兵憲太夫人

桃花院畔舞霓裳髮髻雙成下曲房海外乍傳青鳥  
使屏前初進紫霞觴婺皇燁燁輝南極萱草垂垂樹

北堂有子導輿長戲綵雲綃錦帶日徜徉

其二

靈節三吳治行竒春雲靄靄護璠枝西池阿母冰霜  
骨南岳夫人鸞鳳姿永夜華燈燃琥珀中天素月對  
峨眉當筵跪進千秋曲玄鶴回翔傍玉卮

送唐太史元徵還朝

離筵初散客初醒馬首驪歌又送行去路正堪逢杜  
燕侍朝猶及聽春鶯台光再接再真人氣天祿還燃  
太乙精莫以臨岐多繾綣隔年應擬奏承明

贈喬伯麟園居

夫君新築有青山，迴向高城水一灣。  
古樹入雲深淺處，野花帶雨淡濃間。  
時聞啼鳥枝頭轉，坐看游絲檻外閒。  
暫借幽棲詩酒興，不妨車馬到松關。

送董太史玄宰

穆穆江畔柳條舒，雨漲春潮送客初。  
簾捲山光供染墨，花迎劍氣映華裾。  
重開秘籍蟠螭印，遂返王程列鳳輿。  
况是仙舟追李郭，長途莫惜舊遊疎。  
元徵先行故云

過吳門送詹郡侯濬源

君侯隔歲引霓旌，春水前途此送迎。  
冰雪去時俱怨別，鶯花行日盡含情。  
鳴騶東魯絃歌沸，秉鉞臨淄海甸清。  
折得柳枝堪把贈，携來醞醑滿金罍。

其二

使星隱隱動江湄，正是桃花逐浪時。  
金印日高馮翊郡，大旗雲擁羽林兒。  
紫駟玉勒看騰躍，彩鷁春風慘別離。  
無限棠陰滋舊雨，東南還擬借台司。

寄懷顏侍御嶧臬

秀結東山醞，若耶使君暫。  
爾卧烟霞花前尚，護河陽

月雲外猶棲栢府鴉青眼倍人懷更切白鴻沉信路  
偏餘中原重憶沾膏雨秋水江頭望漢槎

寄贈潤州張司理新屏

春江彩鷁識君侯廿載通家說舊游人倚南豐金嶂  
裡衙開北固鐵城頭觀風戟列霜侵戶視事庭閒月  
在鈞同是吳儂沾化澤相期一問碧梧秋

贈許令君仰亭

海隅重借使君來循政于今遍草萊霖雨復隨車轍  
至烟霞仍傍訟庭開琴調單父閒清晝花滿河陽護

若自是御屏書最績可知青瑣定掄才

寄楊令君澹湖

送侯出浦夕陽紅表為相更似轉蓬霖雨當年施潤  
澤絃歌今日有兒童桃花整爾羈潘岳丹井由來駐  
葛洪無限離思秋水隔賦成何惜寄歸鴻

寄懷鄧坦之

颯颯涼颼冷菱荷懷人鴻雁幾經過大巫詞賦元無  
敵小阮風流近若何長泖波深秋霧濶匡廬星聚嶺  
雲多勞君千里能相憶仲蔚門前長薜蘿



寄項給諫東鰲

使節迢迢出鎖關，黃河六月鷁東歸。  
雙溪暫借棲鷗，鵝蒼嶺重看蹀躞。  
花影茸城，還冉冉棠陰海國。更依依秋風，失奉關門候，棧素心將一雁飛。

寄懷同年申駕部敬中

隔歲扁舟訪故人，懷君籬菊又經新。  
灌成芳樹堪聽鳥，採得商芝好供親。  
虎阜鋤雲携蠟屐，蘇臺嘯月着綸巾。  
莫淹許久尊鱸興，司馬行旌動水濱。

贈崑山聶令君化南年丈

先是同張常熟夜集吳門舟次

憶從真壯附書名，十載風塵繫別情。  
君已河陽膺紫綬，余猶荆戶匣青萍。  
欣逢隣壤恩霖渥，喜看崑丘鳥影輕。  
况是仙舟同李郭，夜深燈火話生平。

寄徐郡伯薦所年丈

十載賢書共帝州，相逢常醉鷓鴣裘。  
携來五馬知新政，械得雙魚寄舊遊。  
簾捲岱宗雲靄碧，城分萌水鑑光浮。  
懷人不盡東風恨，極目汶陽獨倚樓。

陸君策錢肇陽張伯復唐元升楊長世陳仲醇  
夜集漱六齋酌牡丹花下次君策韻

紅花有意綠多情歡賞喧闐笑語馨暈月淺深疑歷  
亂倚闌飛舞覺翾輕春殘偏惜瓊枝媚人醉還憐夜  
色明折簡忽來司馬賦言言霏玉比水清

送秀水李令君入覲

遙聞長水動鳴珂應是闕門紫氣多百萬桑麻春浩  
蕩三千桃李樹婆娑風迴鳧鷖還依斗雲擁星槎欲  
渡河願挹清塵欣御李祗將五袴播絃歌

張明府衙齋夜集同黃仲高孫世聲

舊雨從來扣縣門漫勞張具倚黃昏遊人擬辦東山

履地主先開北海罇月落占星來綺席更闌燒燭暢  
玄言方從花徑調雙鶴退食盤桓駐此軒

立秋日袁伯生年丈邀同黃仲高倪偉長孫世  
聲薛雲卿汎虞山下限椒字韻

廿年兄弟喜尋招况復新秋散寂寥山麓樹移雲影  
澹帆檣風送鼓聲迢軒軒玉舉人連璧瀝瀝香分酒  
汎椒徙倚暮天回首處相看覓句入詩歌

次仲高韻

樽前桐葉報清秋盡日看山不厭遊丹嶂幾重天際

仰止 揚州 卷九  
簞彩霞千片望中收  
依微遠樹穿雲出  
蕩漾輕舟帶雨浮  
知爾登高應有賦  
霏霏清韻可能酬

登東塔

半空危塔紫霄懸  
百丈祥光冒玉田  
舉足已知空大地  
騰身直欲犯諸天  
靈巖帶霧依檐向  
寶鐸含飈度日邊  
不是秋風生羽翰  
如何雙掖似飛仙

薛希之招飲同黃仲高李薪父孫世聲袁伯生  
倪偉長再汎虞山下

湖光日日護山巔  
柳畔輕陰繫酒舡  
雨色欲來紅樹

三 歌聲遙遞白雲邊  
尊前共結千秋意  
水上新生十里烟  
羈旅得君銷寂莫  
却憑詩句博嫣然

顧節吾携酒桃源澗限栳字

石上雨餘青欲洗  
踈林日落月痕高  
山頭挂瀑流方玉  
洞口飛花似碧桃  
一拍清歌依北郭  
數聲長嘯出東臯  
坐來百里風雲契  
半是詩豪半酒豪

張明府招同黃仲高陳敬甫孫世聲鎮虞樓夜

集

茂宰為樓不日成  
氤氳海氣接蓬瀛  
絃歌鼎沸千家

合尊酒重開四座傾落照  
孤城歸來風雨催人急  
隱隱猶聞畫角鳴

送徐廷珍北上

秋風征騎指燕山  
送送河橋夜月灣  
囊草賦成高紙價  
劍光星吐耀刀環  
曲江春酒應先熟  
上苑桃花正可攀  
我亦整裝來帝里  
勞君携入紫宸班

北歸途中感懷簡元甫宋年丈

與君載筆事承明  
又復蕭條出帝城  
綠草關山憐去馬  
黃雲驛路護歸程  
已知吾党深情合  
不信斯文雅

道傾摠是乾坤容  
嘯傲可令詩酒負同盟

送范侃如之任萬州

茸城驪唱動天涯  
刺史乘傳去路賒  
報國一官依海島  
辭家萬里泛仙槎  
旌旄雲擁松林石  
劍佩星搖鐵樹花  
到處還珠恩澤徧  
霏霏譽望壓中華

送倪鷓菴之任分水

迢迢旌旆向桐廬  
正是神君佩印初  
攬轡度雲山縹緲  
鳴珂天目水縈紆  
到時製錦兼推案  
閒日栽花且著書  
一自五茸飛鳥後  
可能車騎遲相如

贈柳郡侯兩尊人雙壽

寶婺雙華擁大年金章並綰歲星邊青歸椿樹凌雲  
茂丹結萱花濯錦鮮日來九山層幃裏風清五馬舞  
衣前從今處處歌春酒卿霑長籠玳瑁筵

其二

咄咄君侯治行良朱明雲色護高堂曾傳世外長生  
訣遂秘人間不老方鶴髮漣漣扶玉杖鳳笙縹緲度  
霞觴邦人共效千秋祝况有絃歌滿道傍

送喬郡丞弦所之武林

福星高照六橋邊夾岸芙蓉接画船車騎自來參五  
馬衙齋應得近三天青山隱隱江南色紫綬霏霏湖  
上烟他日 璽書褒卓異龔黃不在使君前

投陸運長自齋先生

春風江上重相期伏謁三秋皓月時衙署捲簾炊白  
工庭除供饌剪青葵清宵每羨林逋鶴彩筆高題謝  
傳詩敢乞一尊花下醉芙蓉堤畔正差池

呈江兵憲纘石舊公祖

庭前暫乞舞衣班摇曳湖橋水一灣祭戟沾霜吳會

上車輪隨雨泖峰間  
甘棠蔭遠應難剪  
北斗天高不可攀  
咫尺台衡虛左席  
肯容雙屐又東山

投仁和胡令君玄海

廿載聞聲覲面賒  
偶來一訪縣門花  
琴調帳底初分篆  
鶴夢松根早放衙  
夜月井烟燒藥石  
春風郊騎課桑麻  
請看父老驩歌處  
古柏臺邊集暮鴉

陸運長招同孫世聲沈羽侯夜飲西湖限渙字  
湖橋秋色傍村墟  
簫鼓樓船汎綠渠  
四面名山風澹蕩  
一鈎新月影清虛  
大夫能作登高賦  
客子何當授

簡書且盡尊前黃菊酒  
莫將世事問樵漁

春日邀馮京兆林太僕集園中京兆以詩見贈

次韵酬謝

時兒子痘疹平復京兆贈詩及之

晴雲窈窕冒山隈  
上客俄臨宿雨開  
暫借藍田依玉樹  
敢云洛浦出珠胎  
花香含笑迎朱紱  
屐齒穿林破紫苔  
最愛清歌當月白  
攀輿命酒尚徘徊

南中訪李吏部景穎

欲從天上近星辰  
聽履何由屬後塵  
燁燁文詞三楚麗  
霏霏旌蓋六朝新  
吏曹專組尊南國  
清署平衡列

何士柏芝園集  
要津願識荊州千里棹敢將詩句借評論

訪曾民部浴宇

海內文章妙剪裁人人推轂八閩才度支石書籌錢  
穀嘯味高情屬酒杯六代烟銷金粉地千山雲鎖鳳  
凰臺當年元禮通家子可許龍門御李來

呈陳中丞楚石老師

中丞持節撫留京回首并州爽氣盈霖雨再霑滄海  
畔清霜遙拂石頭城江山澹蕩添新色草木歲華識  
重名自顧風塵淪落久渾慚門下魯諸生

贈閩友田公雨

邂逅雲陽問姓名十年舊識是田生芳齡已擅龍紋  
技綵筆能司牛耳盟握手交情憐骯髒披襟俠烈喜  
縱橫即今入洛聲逾重非久看花賦兩京

遊天界寺贈秋潭上人

古寺行遊別有天老僧禪榻更蕭然一潭秋水心如  
洗滿坐春風思欲仙清供分來方外品學雲吐出鉢  
中蓮何時許結香山社重向蒲團了靜緣

五月二日李惟禮鄧泰素招同張伯復馮咸甫

孫世聲諸君子泛舟秦淮分得憐字

日映秦淮水色鮮  
渡浮桃葉息依然  
六朝舊是絃歌地  
五月新開澹蕩天  
座上相逢題鳳客  
樽前爭覓鬪龍船  
主人繾綣渾忘去  
潦倒深杯底自憐

端陽日劉工部斗墟同鄧孝廉泰素許山人觀

南携酒憑虛閣話別

時余與世聲將有維揚之役

傑閣高依蕭寺傍  
滿空烟雨正端陽  
携來金縷知時  
候  
摘得青蒲餞客觴  
六代臨風頻眺望  
千秋弔古共  
徜徉  
可憐跨鶴明朝別  
一唱驪歌一斷腸

題新都汪比部立伯遂園

神武懸冠吏隱初  
玄亭花暗子雲居  
綠烟杳靄藏鴉  
柳白浪網緼點鷺  
葉隔塢風晴低度曲  
雕欄徑轉忽  
迴車知君結客頻  
投轄共對芳尊好  
摘蔬

訪儀真令王杏臺年丈

帝里遙聞卧治才  
拏舟相訪渡江來  
人占易水星文  
麗吏隱真州紫氣回  
循政下今歌五袴  
高名從此近  
三台慚余附驥稱  
兄弟願得携遊放  
鶴臺

訪揚州郭刺史一陽年丈



何士推芝園集  
北來曾此謁君侯  
匹馬遄歸興未留  
賦政風清董子  
宅懷人月白  
庾公樓瓊花開處  
松陰靜玄鶴鳴時  
雲影流千里  
渡江依舊好肯教  
寂寞典鸚裘

贈兩淮鄭運長養齋

廣陵江上暮潮深  
有客行遊四牡駸  
煮海塩官烟護  
井含香粉署日  
調琴飛鳧望去尚  
書履止水澄來清  
吏心聞說鄭莊能  
好士可知一見即披襟

何氏芝園集七言律詩完下

芝園集目錄

絲集卷之十一

絕句 五言

范君和長康招同郁季雅沈孺休孫世聲烟雨樓夜飲八首

孤山

天竺峰

飛來峰

萬松嶺

蘇堤

龍井

同郭次南陳從訓孫世聲遊鶴林寺即履中上人六首

題郭次南雲烟閣

題画一

題画二

題画三

題画四

秋夜同友人集南禪方丈分得天字

分韻咏扇得疾字

題孫山人侍洲種菊圖

題画梅

題文太史画扇

絕句六言

送洪九之分韻

齊魯道中口占

贈人得喧字

得織字

何士抑芝園集  
卷之二  
寓靈建寺二首

題印空上人画扇

贈蘇爾宣下居吳門四首

何氏芝園集

華亭何三畏士抑著

絕句 五言

范君和長康招同郁季雅沈孺休孫世聲烟雨樓夜飲

倚樹駐飛烟開軒垂倒影借問十二樓何如此中景  
其二

秋鋪十里紅月泛雙潭碧况茲風雅流盡有烟霞癖  
其三

百斗澆枯腸揮毫散五色水面忽淋漓疑是魚吞墨  
其四

灘上釣鰲磯磯空藉芳草何必鱸魚肥但令秋思好  
其五

朱樓宿暮雲画艇依孤嶼夜夜任淒淒人人忘爾汝  
其六

詩分唱和籌劔合雌雄佩劔俠與詩豪千古須吾輩  
其七

不聞漁父歌鳥息搏風翻遊人亘如虹河水平千席

其八

蛩寒笑語深露咽筇篻澁欲別又踟躕還嫌漏催急

孤山

浮浮一水中迴斜見危島山空鳥韵嬌雲鬱松枝老

天竺峰

奇峯似削成危隣天柱嶺阿曲路應深雲暗仙翁井

飛來峰

鷓鴣蓋覆高峯籠籠雲物綴何來靄鷲山橫絕飛騰勢

萬松嶺

何士松芝園集  
卷二  
嶺上萬株松松枝一何密亭亭千青霄隱隱蔽白日

蘇隄

湖柳密如烟沙隄淨如掃一望石橋通飛橈動荇藻  
龍井

山澗冽寒泉噴出老龍口白石紫苔生池香絕塵垢  
同郭次甫陳從訓孫世聲遊鶴林寺叩履中上人

我遊黃鶴山雲深藏古寺不見雙鶴飛但見流雲隱  
其二

盤曲尋山徑蒼松掛古藤隔林知有寺到寺喜逢僧  
其三

山頭萬頃雲山側千竿竹落英口可食新月手可掬  
其四

來叩禪扉外高僧趺坐時蓮花叅相罷一讀惠休詩  
其五

相携登眺者一一青霞客杖頭挂酒錢醉枕松風石  
其六

小春山日暖應見杜鵑花尋花依落日歸騎帶烟霞

題郭次甫雲烟閣

來串焦隱君因尋郭處士山空不見人間雲在軒几

題画一

柳綠杏花紅照映一溪水船頭簑笠翁投綸釣鱸鱖

題画二

兩情黯自傷恍惚入夢寐夢中愁緒多驚起還憔悴

題画三

遠岫起秋雲疎林淨秋雨何處采芳蓀扁舟自來去

題画四

古木陰秋水藻行翻波痕三年不垂釣一釣水雲潭

秋夜同友人集南禪方丈分得天字

蘭若頻呼酒鐘聲別洞天為譚無住法我意欲逃禪  
分韵咏扇得疾字

懷爾揚仁風令我消赤日漢姬何所悲祇以秋飈疾  
題孫山人侍洲種菊圖

籬下鋤黃菊春風早發莖秋來彭澤酒歲歲壽先生  
題畫梅

數株鐵樹花幾陣疎香度不關桃李妍何堪風雪妬

題文太史画扇

樹影逗雲端泉聲穿谷底何來境界幽入林共徙倚

何氏之園集五言絕句完

絕句六言

送洪九之分韵

水面浮浮行色雲邊去去斜陽悵別千條折柳臨流  
一曲飛觴

齊魯道中口占

冀北群中逸足齊東道上狂生天寒寂寂飛鳥路渺  
摇摇去旌

贈人得喧字

座上風雲賦就尊前歌舞人喧織女不歸天漢劉郎

那得仙源

得纖字

嬌吐沉香舌細低翻楊柳腰纖傾我明珠十斛留他  
新月一簾

寓靈建寺

地主郊迎立馬野僧笑挈登樓山色半簾雲捲禪燈  
一點星浮

其二

山閣千尋霧靄人家一帶烟蘿讀罷黃庭趺坐呼來

綠蟻高歌

題印空上人画扇

綠水雲浮縹渺丹山石出峻嶒一錫飛來寶座萬松  
深處高僧

贈蘇用宣卜居吳門

怪來新都俠客偏作吳市居人赤手年年慕漢素心  
日日報秦

其二

散盡千金骯髒懷來寸鐵玲瓏鶴市鷄坡棲息松蘿



何士抑芝園集  
翻似萍蹤

其三

金閭南市北市虎阜前山後山天色不風不雨先生  
時往時還

其四

彩筆閒評風月深情共寄琴樽任爾探丸說劍何如  
嘯傲蘇門

何氏芝園集六言絕句完

芝園集目錄

絲集卷之十二

絕句 七言

寒夜同徐孟孺董玄宰陳仲醇家弟士端登城

歸憇馬喙寺

鍾賈山觀梅

陸君策新齋看梅

賦得九蓉山房二首

春日郊外口占

渡江北上

金山寺口占眎徐澤夫蕪寄諸友

望紫荆山

望鷄鳴諸山

閨思二首

夜憶兩亡弟

有感

西興渡

錢清江

夢中二絕送李仲舉北上應試

題倪偉長画

破山寺

五丈石

中峰

秦陂澗

劍門

拂水巖

咏陳錫玄霧芝限芝字四首

袁伯生年丈齋中夜集限更字

何士柏芝園集  
卷之二  
味伯生盆蘭限蘭字

長至日

江頭試劔石

懷虞山人質夫

投贈武進鍾令君繼源四首

閨門夜泊同孫世聲限韻二首

夜泊鍾賈山次壁間陳仲醇韻

曉發青溪同孫世聲拈韻得牛字

得香字

得前字

得雲字

得開字

戲贈分韻得梁字

得都字

得多字

得凄字

得平字

得春字

得飛字

為霞谷上人題畫梅

贈張虞侯二首

何氏芝園集

華亭何三畏士抑著

絕句七言

寒夜同徐孟孺董玄宰陳仲醇家弟士端登城

歸憇馬嶠寺

一天暮色度飛鴉水浸空城月浸花清露濕衣人未

睡還邀詩伴到僧家

鍾賈山觀梅

山畔梅花幾變更老僧猶見小枝生隴頭攀折人何

在樹影垂垂鳥亂鳴

陸君策新齋看梅

為訪新居明月溪梅花枝上色萋萋春風吹散窮愁  
恨留與君家入品題

賦得九蓉山房

夫君新築傍天台九點青山一望開削出芙蓉分齒  
齒冷然秀色落落蒼苔

其二

翠屏遙映紫微居無數名花粉黛盡最是九蓉秋日

媚好將顏色鬪蛾眉

春日郊外口占

半簾明月挂青樓柳色牽裾欲暫留一曲霓裳歌未  
闕人間天上不知秋

渡江北上

長江萬里氣如虹借問孤帆可御風江水欲流人欲  
去六朝烟雨畫圖中

金山寺口占眎徐澤夫兼寄諸友

先是澤夫北  
行余同友人  
餞席至是  
乃同蒞云

金山頂上三竿日楊子江頭一度春記得故鄉同送  
別如今同別故鄉人

望紫荊山

南望靈山拱 聖君千年王氣結氤氲小臣載筆難  
描畫拾得山頭一片雲

望鷄鳴諸山

天際名山四望開秋殘猶見洞雲猥閒時未盡登臨  
興莫換清輝待我來

閨思

人傳夫婿入長安雪色冰花冷畫鞍如此風塵未  
去可憐妾夢到邯鄲

其二

卽今去去意偏揚應拾明光殿裏香秋色欲留春又  
至誰言北地是他鄉

夜憶兩亡弟

夜火悽悽泣楚江由來雁影入紗窗亦知今日哀鳴  
者三四群中少一雙

有感

懷刺強從襦處士罵人豈是灌將軍乾坤許大由人  
傲眼底應無鄭廣文

西興渡古名西陵

漁商作伴入孤舟夜泊西陵古渡頭不敢高聲問舟  
子恐驚潮水亂江鷗

錢清江劉寵投錢于此

太守投錢水樣清清流滾滾抱江城扁舟欲送帆前  
月潮去潮來野渡橫

夢中二絕送李仲舉北上應試

送君北指長安道正月椒花二月桃酒畫花明人欲  
去王孫草色上恩袍

其二

十年馬首走天涯曾汎明河萬里槎今日鶯聲隨去  
騎三秋桂馥在君家

題倪偉長画

茶烟及午沸磁鐺四壁圖書竹影橫苔蘚不逢人跡  
破止容孤鶴下空庭

破山寺

何士抄芝園集  
兩龍風雨鬪山前山破龍飛古刹傳常建題詩留壁  
上至今潭影帶秋烟

五丈石

山頂峩峩五丈峰丹崖翠嶂鎖千重騰身欲上最高  
處執節乘雲跨赤龍

中峰

山徑盤紆竹萬竿長林綠暗雨初殘相看衆壑凭軒  
几孃孃笙歌度石壇

秦陂澗

送峰高插半天雲一帶流泉落翠氛聽得潺潺飛瀑  
經遊人笑語不相聞

劍門

千仞高崗倚劍門曾聞漢將破山痕劃來一瞥乾坤  
動望去雙懸日月吞

拂水巖

水瀉巖端撲澗斜海風不斷散天花垂垂濺沫侵危  
石片片飛珠映曉霞

味陳錫玄靈芝限芝字

芝生芷靖公墓山石上



聞說金蘭石桂芝  
暮門靄草亦離離  
蒼山幽谷知多少  
雨露偏從福地滋

其二

孝感從來產異芝  
氤氳五色映朝曦  
白雲壑上無涯思  
可是山靄不獻奇

其三

黃石山頭孕紫芝  
天香繚繞素秋時  
君家定有宜男草  
好遣花神早護持

其四

燁燁青雲徑尺芝  
與君才品正相宜  
緣知上苑春光媚  
折得瓊花第一枝

袁伯生年大齋中夜集限更字

百里來尋詩酒盟  
坐中鳳嘯雜鸞笙  
主人繾綣能留客  
應待殘星度五更

咏伯生盆蘭限蘭字 祝伯生舉子故入夢蘭

芝房香氣繞闌干  
一陣秋風送紫蘭  
此種知君先入夢  
明珠掌上走銀盤

長至日

何士披卷集  
卷六  
至日新添一線長因知陰律鼓微陽何人咄咄書雲  
物有客陶陶入醉鄉

江頭試劍石

當日孫劉飲馬處劍花歷歷大王風可憐鼎足三分  
業却在江頭片石中

懷虞山人質夫

逢君蕭寺幾盤桓近况何如寢食安漉得一尊彭澤  
酒邀來十日布衣歡

投贈武進鍾令君繼源

昔在燕市中有文字之  
契

鼓琴從古說鍾期流水高山調自宜卧治三年花縣  
裏此中絃誦使君知

其二

吳下廉明獨重君故人落魄喜相聞欲將今日循良  
吏續傳龔黃漢代文

其三

湯稱平叔思飄然折節論交莫問年不有巴人歌下  
里如何博得帝京篇

其四

何士抄芝園集  
七  
秋水輕舸汎短橈河陽花事未應凋長安別後多惆  
悵願借清尊破寂寥

閩門夜泊同孫世聲限韻

旅愁無奈短長更夜半寒山落磬聲相對銀瓶傾濁  
酒劔花歷亂筆花生

其二

吳江縹緲半空雲風月颿前可自分夜靜停橈秋水  
上挑燈一讀北山文

夜泊鍾賈山次壁間陳仲醇韻

落日初黃樹影斜相携一到梵王家門前秋水人題  
壁千片明霞石上花

曉發青溪同孫世聲拈韻得牛字

由拳城畔曉風秋一棹星槎萬里流早發乍逢閩吏  
問何來紫氣是青牛

得香字

子夜殘鐘入野航彈鈎露坐拂寒霜青山九點看天  
近黃菊三秋遠徑香

得前字

車馬喧闐薄暮天紛紛簫鼓落帆前相逢司馬來行  
部誰道剡溪訪戴船

得雲字

一派尊絲映水紋棹歌漁唱隔溪聞尊前慘淡關門  
月夢裡淒淒上隴雲

得開字

一望中原曙色開誰憑秋浪更徘徊白門楊柳依然  
在為問當年舊雨來

戲贈分韵得梁字

秋風忽下紫霓裳玉臉冰肌素質香夜半官南雲外  
落喃喃語燕在雕梁

得都字

何來仙侶佩珊瑚可道前身是子都贏得天桃無艷  
冶酒花一片倩誰扶

得多字

楊柳枝頭曙色多鴛鴦作伴渡南湖夕陽閃閃留春  
住無限風流入短歌

得淒字

雲滿長空月滿堤中山玉盃酒如泥當場莫遣歌聲歇南浦驪駒調轉淒

得平字

鴛湖一帶水痕平望望扁舟去路輕難得相逢容易別河橋未盡柳枝情

得春字

柳色含嬌送去津半床烟月半香塵若耶溪上誰家女姁殺吳姬二月春

得飛字

湖光蕩漾月光微坐擁紅妝思欲飛深夜不妨頻勸酒無邊春色上人衣

為霞谷上人題畫梅

老僧庭畔一枝梅上掛藤蘿傲霜雪等得梅子熟將來即心即佛這時節

贈張虞侯

時督學使者及郡邑侯重虞侯才行並旌其閭

兩都詞賦說張衡海內何人不識名當路頻旌高士里車塵絡繹掩公卿

其二

何氏芝園集  
卷之  
誤人白首是青衿羨爾逃名意獨深巖谷聲華霄漢  
上亦知當代重儒林

何氏芝園集七言絕句完